

REAGIRANJA Doktor Karčić negirao optužbe porodice Vehab iz Kaknja

Neistina je da sam majci rekao da baci dijete u rijeku

To nije način moje komunikacije, kaže Karčić • Tužit ću doktora i bolnicu u Zenici, najavljuje Dina Vehab koja i dalje ostaje pri svojoj tvrdnji

Nakon što smo prije nekoliko dana objavili šokantnu ispovijest Dine Vehab, majke devetogodišnjeg dječaka Hanana, kojoj je, kako ona tvrdi, načelnik Radiologije u Kantonalnoj bolnici u Zenici rekao da "uzme dijete i baci ga u rijeku", redakciji "Dnevnog avaza" jučer se obratio prozvani dr. Bekir Karčić, oštro demantirajući takve navode.

Demantij na tekst

Karčić u svom demantiju na tekst ne negira da je u tom periodu bio načelnik Radiologije, ali tvrdi da navedene riječi nikada nije izrekao.

- Nije tačno, štaviše, predstavlja morbidnu neis-



Karčić: Teške optužbe na račun doktora

tinu da sam navedene riječi izrekao Dini Vehab. Svi oni koji poznaju moj profesionalni angažman znaju da to nije moj način ophođenja s pacijentima i njihovim najbližima - rekao je Karčić.

Godine šutnje

Dina Vehab, međutim, kako nam je i jučer potvrdila, ostaje pri svojim riječima i, kako kaže, sada, iako to nije htjela prije dvije godine, ozbiljno razmišlja da podnese tužbu protiv dr. Karčića i bolnice Zenica.

- Dvije godine sam šutjela, ali odlučila sam progovoriti kako se nikada više nikome ne bi ponovilo ono što se desilo meni i mojoj porodici. Ja sam samo jedna od hrabrijih majki koje su se odlučile reći pravu istinu - rekla je Vehab. **M.AŠČIĆ**

Batko poziva Karčića u emisiju



Čehajić: Hrabar potez majke

Almir Čehajić Batko, predsjednik nevladine organizacije "Otvorena mreža", također je upoznat sa slučajem porodice Vehab. On kaže za "Dnevni avaz" da je još tada, prije dvije godine, nudio pravnu pomoć da bi se cijeli slučaj

okončao sudskim putem.

- Tada nam je primat bio da spasimo Hanana. Ovo je jedan vrlo hrabar potez majke, a, ako dr. Karčić tvrdi da su to laži, neka to kaže javno u emisiji "Hrabri ljudi". Pozivam ga ovim putem - kaže Batko.



Vehab: Šokantna ispovijest njegove majke